

本书出版得到国家古籍整理出版专项经费资助

清代吏治史料

线装书局

官員銓選史料 三一

清代吏治史料

綫裝書局



巡撫雲南建昌畢節等處地方贊理軍務兼督川貴兵餉都察院右副都御史
加四級紀錄八次駐劄雲南府臣張允隨謹

題爲欽奉

上諭事該臣看得選授教職例應按月具

題茲據布政使陳弘謀詳稱雍正十二年正月分所出昭通府永善縣復設教諭
趙霽丁憂一缺新選平彝縣經制訓導謝曾錫病故一缺其二缺除平彝縣經
制訓導員缺查無應補之人照例將缺留於雙月另選外所有昭通府永善縣
復設教諭員缺應將雲南府呈貢縣進士原任山東邱縣知縣改補教職已經
到籍不入班次遇缺補用之實容補授詳請查核具

題前來臣覆查無異謹

題請

旨雍正十二年三月初十日題四月二十二日奉

旨該部議奏

巡撫雲南兼建昌畢節等處地方管理軍務兼督川貴兵餉都察院右副都御史加四級紀錄八次駐劄雲南府臣張允隨謹

題爲欽奉

上諭事該臣看得截選教職官員考語等第例應年底彙

題造冊送部查核茲據布政使陳弘謀會詳稱遵將雍正十一年分陸續詳送考試截選教職羅士元等二十六員考居等第姓名彙造清冊詳請核

題前來臣覆查無異除冊送部外臣謹恭疏具

題請

旨雍正十二年三月初十日題四月二十二日奉

旨該部知道

太子少保兵部尚書兼都察院右副都御史總督直隸等處地方兼荆襄雲等
關隘提督軍務兼理糧餉加十級紀錄七次又軍功紀錄十次欽此欽此欽此
李衛謹

題爲慎重教職以勸文治事該臣查得雍正四年定例嗣後各學教官如能盡心
勸導歷俸六年之內所屬士子無抗欠錢糧并捏詞生事唆訟陷人等事該督
撫學臣據實保

題准其以應陞之缺陞用其現任之員以雍正五年爲始扣滿六年著有成效者
准其一體保

題等因遵照在案今據布政使王譽按察使實啓璞呈稱永平府教授楊昌言晉
州學正劉蘄趙州學正劉曾明鹽山縣教諭陳僧均歷俸六年期滿查明各任
內所屬士子並無倚恃衣頂抗欠錢糧并捏詞生事唆訟陷人等情與保

題陞用之例相符均取具冊結送驗前來經臣驗看得永平府教授楊昌言居官
勤謹人尚老練晉州學正劉蘄年力正富人亦明白趙州學正劉曾明居官謹

慎人亦明白蓋山縣教諭陳僧居官謹飭年力尚強移送順天學政臣吳應棻覆驗得楊昌言為人老成勤於課士剴新人品端飭訓士有方劉曾明人尚謹飭課士亦勤陳僧人果誠謹訓士有方照例出具會

題印結咨覆前來除履歷事實冊結同會

題印結送部并結咨各該員赴部引

見恭候

欽定外臣謹會同順天學政臣吳應棻合詞具

題謹

題請

旨雍正十二年四月十三日題本月二十三日奉

旨該部議奏

駐劄長沙府城禮部右侍郎署理湖南巡撫印務加二級臣鍾保謹

題爲詳請飭調委員等事該臣看得衡陽縣知縣員缺經前撫臣趙弘恩
題請以試用人員楊純委署試用已奉

俞允欽遵在案茲據駐劄長沙府城湖南布政使張璩等詳稱衡陽縣爲衡郡首邑
又係衝繁難三項相兼之缺現署知縣楊純雖努力政務肆應爲難請暫撤來
省俟有簡缺再行委署所遺衡陽縣員缺查有奉

旨命往湖南以知縣以下等官委署試用之羅如倫現委護理長沙府通判事務人
甚強幹辦事明白請以該員委署衡陽縣知縣印務試用如能稱職另請實授
等情前來臣覆查無異謹會

題請

宣統二年三月二十八日題四月二十三日奉

旨該部議奏

經筵講官少保兼太子太保保和殿大學士兼管吏部戶部尚書事加六級臣
張廷玉等謹

題爲詳請飭調委員并請調補以免貽悞以益地方事該臣等謹得禮部侍郎署
理湖南巡撫印務鍾保等疏稱常德府屬武陵縣知縣員缺前以試用人員孫
之琮委署在案茲武陵縣係衝繁疲難四字兼全之缺今孫之琮人雖明白辦
事過於拘謹難以肆應相應撤回俟有簡缺再行委署試看其武陵縣員缺查
有辰谿縣知縣劉尚質才堪肆應請以調補洵屬人地相宜所遺辰谿縣知縣
員缺係屬苗疆查有留楚委用之胡國選年力富強可供驅策請以委署試用
如能稱職另請實授再劉尚質胡國選應否送部引

見統聽部議等因前來 查衝繁疲難之苗疆要缺例應該督撫揀選調補今該
署撫等既稱武陵縣知縣員缺係衝繁疲難兼全之缺現署知縣孫之琮人雖
明白辦事過於拘謹難以肆應相應撤回俟有簡缺再行委署試看其員缺查
有辰谿縣知縣劉尚質才堪肆應請以調補其辰谿縣知縣員缺係屬苗疆查

有留楚委用之胡國選耳力富強可供驅策請以委署等語應如該署撫等所請現署武陵縣知縣孫之琮准其以簡缺另行委署試看其武陵縣員缺准其將辰谿縣知縣劉尚質調補辰谿縣員缺准其將革仕留楚委用之胡國選委署再查劉尚質係對品調補無庸送部引

見胡國選係奉

旨革仕留楚委用之員應俟試用期滿具題實授時再行送部引

見可也恭候

命下臣部遵奉施行臣等未敢擅便謹

題請

旨雍正十二年四月二十二日題本月二十四日奉

旨劉尚質依議調補餘依議

經筵講官起居注少保兼太子太保保和殿大學士兼管吏部戶部尚書事仍
管翰林院加六級臣張廷玉等謹

題爲補充

曰講起居注官事臣等查得原充

曰講官起居注編修錢本誠已經丁憂所遺

曰講起居注官員缺查得定例翰林院詹事府官員內著以原銜充補今將臣衙
門漢翰林並詹事府坊局漢官職名開列具

題恭請

皇上簡用一員施行臣等未敢擅便謹

題請

旨

計開

侍講學士楊椿

侍講學士錢陳羣

侍 讀劉統勳

檢 討卿悅

編 修李文銳

編 修李錦

檢 討鄭江

編 修王峻

編 修趙大鯨

編 修陳浩

編 修朱良裘

編 修周學健

編 修吳兆雲

編 修吳文煥

編 修徐煥然

日 現署
講起 君注官

編 修王興吾

檢 討周祖榮

修 撰周 霸

編 修梁詩正

檢 討王承堯

檢 討郭石渠

編 修王秦姓

在編修內行走萬承蒼

編 修鹿遵祖

檢 討薛 馥

檢 討李賢經

編 修余 棟

檢 討任啓運

編 修張 灝

檢 編 編 編 編 編 編 編 編 編 編 編 編 編 編

討周龍官
修倪國璉
修周範蓮
修陶正堦
修王文璿
修楊廷棟
修林蒲封
修毛之玉
修徐以烜
修王宗燦
修陳其凝
修劉元燮
修曹一士
修程盛修

編 修吳履泰

檢 討盧秉純

檢 討阮學浩

檢 討許希孔

檢 討楊 秀

檢 討衆思錄

修 撰陳 倓

編 修田志勤

編 修沈文鶴

編 修一等阿達哈哈番張若霽

編 修一等阿達哈哈番蔣 溥

詹事府詹事兼翰林院侍講學士顧祖頤

雍正十二年四月二十二日題本月二十四日奉

旨錢陳羣著以原銜充日講起居注官

巡撫福建等處地方提督軍務都察院右副都御史紀錄十一次降二級又降
一級留任駐劄福州府臣趙國麟謹

題爲知照事該臣看得閩省在籍候選教職人員應於本省教職缺出銓補嗣准
吏部咨奉

旨嗣後補用教職人員著每月一次具題末著爲例欽此行據布政使劉藩長詳稱
雍正十二年二月分出有新選印武府建寧縣復設訓導吳撲病故員缺擬以
延平府將樂縣挨貢捐納即用之廖鵬齡補用等由造冊詳送前來除冊送部
外臣謹

題請

旨雍正十二年三月二十一日題四月二十四日奉

旨該部議奏

署理江南江西總督印務湖南巡撫在任守制臣趙弘恩謹

題爲遵例詳請

題明迴避事該臣看得定例內開外官有關係刑名錢穀考核糾叅者不分遠近係族中俱令官小者迴避等因在案今據蘄州按察使郭朝鼎詳稱所屬江寧府知府郭朝端乃係肥弟例應迴避等情前來臣覆查無異理合

題請令其迴避再照江寧府爲省會首群事務殷繁未可一日缺員臣查上江所屬安慶府知府范璩亦係首群知府堪以調補江寧府知府員缺倘蒙聖恩俞允將所遺安慶府知府員缺即令郭朝端補授則一轉移間吏治民生均有裨益范璩郭朝端引

見俱逾三年但以知府調補知府似無庸給咨赴部合併陳明臣謹具
題請

旨雍正十二年四月初六日題本月二十四日奉
旨該部議奏

巡撫廣東等處地方提督軍務兼理糧餉都察院右副都御史加二級紀錄十四次又軍功紀錄三次駐劄廣州府臣楊永斌謹

題爲請

旨事該臣看得補用教職人員例應按月具

題查雍正十二年二月分先據廣東布政使甘汝來將選授教職葉重光薛鳳祥凌重泰查明各籍內並無抗粮緣事等項取具冊結詳送經臣先後出題開防考試將新授清遠縣訓導葉重光新授龍門縣訓導薛鳳祥新授化州訓導凌重泰文理平通各取爲三等俱經給發執照赴任在案茲據布政使甘汝來將選授教職考過等第具詳前來臣覆查無異理合具

題伏乞

皇上睿鑒勅部查照施行謹

題請

旨雍正十二年三月十五日題四月二十四日奉

旨該部知道